

אֵלֶּה מוֹעֲדֵי יְהוָה מִקְרָאֵי קֹדֶשׁ
אֲשֶׁר־תִּקְרְאוּ אֹתָם בְּמוֹעֲדָם: בַּחֹדֶשׁ
הָרִאשׁוֹן בְּאַרְבַּעַה עָשָׂר לַחֹדֶשׁ בֵּין
הָעַרְבָּיִם פֶּסַח לַיהוָה: וּבַחֲמִשָּׁה עָשָׂר
יוֹם לַחֹדֶשׁ הַזֶּה חַג הַמִּצּוֹת לַיהוָה
שִׁבְעַת יָמִים מִצּוֹת תֹּאכְלוּ: בַּיּוֹם
הָרִאשׁוֹן מִקְרָא־קֹדֶשׁ יִהְיֶה לָכֶם
כָּל־מְלֶאכֶת עֲבֹדָה לֹא תַעֲשׂוּ:
וְהִקְרַבְתֶּם אִשָּׁה לַיהוָה שִׁבְעַת יָמִים
בַּיּוֹם הַשְּׁבִיעִי מִקְרָא־קֹדֶשׁ כָּל־מְלֶאכֶת
עֲבֹדָה לֹא תַעֲשׂוּ:

וַיְדַבֵּר יְהוָה אֶל־מֹשֶׁה לֵאמֹר: דַּבֵּר
אֶל־בְּנֵי יִשְׂרָאֵל וְאָמַרְתָּ אֲלֵהֶם כִּי־תָבֹאוּ
אֶל־הָאָרֶץ אֲשֶׁר אָנִי נֹתֵן לָכֶם וּקְצַרְתֶּם
אֶת־קִצְרֶיהָ וְהִבֵּאתֶם אֶת־עֹמֶר רֵאשִׁית
קִצְרֵיכֶם אֶל־הַכֹּהֵן: וְהִנִּיף אֶת־הָעֹמֶר
לִפְנֵי יְהוָה לְרִצְוֹנְכֶם מִמַּחֲרַת הַשִּׁבֹּת
יִנִּיפוּ הַכֹּהֵן: וְעֲשִׂיתֶם בַּיּוֹם הַנִּיּוֹפֶכֶם
אֶת־הָעֹמֶר כֶּבֶשׂ תָּמִים בֶּן־שָׁנָתוֹ לְעֹלָה
לַיהוָה: וּמִנְחָתוֹ שְׁנֵי עֶשְׂרֹנִים סֹלֶת
בְּלוּלָה בַשֶּׁמֶן אִשָּׁה לַיהוָה רֵיחַ נִיחֹחַ
וְנִסְכָּה יַיִן רְבִיעֵת הַהֵינֹ: וְלֶחֶם וְקִלִּי
וְכֹרֶמֶל לֹא תֹאכְלוּ עַד־עֶצֶם הַיּוֹם הַזֶּה
עַד הִבֵּיאְכֶם אֶת־קֶרְבֶּן אֱלֹהֵיכֶם חֲקַת
עוֹלָם לְדֹרֹתֵיכֶם בְּכֹל מְשַׁבְּתֵיכֶם:

אלה מועדי יהוה מקראי קדש אשר
תקראו אתם במועדם בחדש הראשון
בארבעה עשר לחדש בין הערבים פסח
ליהוה ובחמשה עשר יום לחדש הזה חג
המצות ליהוה שבעת ימים מצות
תאכלו ביום הראשון מקרא קדש יהיה
לכם כל מלאכת עבודה לא תעשו
והקרבתם אשה ליהוה שבעת ימים ביום
השביעי מקרא קדש כל מלאכת עבודה
לא תעשו

וידבר יהוה אל משה לאמר דבר אל
בני ישראל ואמרת אליהם כי תבאו אל
הארץ אשר אני נותן לכם וקצרתם את
קצירה והבאתם את עומר ראשית
קצירכם אל הכהן והניף את העומר לפני
יהוה לרצונכם ממחרת השבת יניפו
הכהן ועשיתם ביום הנייפכם את העומר
כבש תמים בן שנתו לעלה ליהוה
ומנחתו שני עשרונים סלת בלולה בשמן
אשה ליהוה ריח ניחח ונסכה יין רביעת
ההין ולחם וקלי וכרמל לא תאכלו עד
עצם היום הזה עד הביאכם את קרבן
אלהיכם חקת עולם לדרתיכם בכל
משבתיכם

